

3

ASSERTIONES
JURIDICÆ
DE

LOCATIONE
ET CONDUCTIONE.

QUAS
D. O. M. A.

SUB PRÆSIDIO

Viri Clarissimi & Consultissimi,

DN. SIGISMUNDI Flach / J. U. D.
ET IN CELEBERRIMA ARGENTORA.

TENSUM UNIVERSITATE PROFESSORIS
ordinarii, Præceptoris, & Fautoris sui omnis
observantiae cultu profe-
quendi.

Publicè discutiendas proponit

Mensis Septembris, die 4.

In auditorio ICorum.

JOHANNES CASPARUS BERRINGERUS
Budissa, Lusatius.

SO

ARGENTORATI.

Typis JOHANNIS REPPI, Anno 1628.



AMPLISSIMIS, CLARIS-
SIMIS, PRUDENTISSIONIS
ET CONSULTISSIMIS

VIRIS,

DN. HEINRICO GARTNERO, J. U. D. Inclytæ Reipub-
Budissin. Consuli gravissimo, spectatissimo, Patrono meo omni-
honoris cultu prosequendo.

DN. ELIAE ZEETSCHIO, J. U. D. Syndico apud Budissi-
nenses meritissimo, Patrono & fautori meo singulari.

DN. DAVIDI BERRINGERO, Prætori ejusdem Reipubl.
Budissin. fidelissimo Parenti meo dilectissimo, omni tempore
filiali obedientia, sanctè pièque colendo.

Dissertationem hanc Iuridicam

In

*Singularis observantia monumentum, debitam
gratitudinem, ulterioreisque promoven-
dum favorem, commendationem & pro-
motionem,*

Inscribo

Dico

Offero

Johannes Casparus Berringetus
Budissæ-Lusatius. A. & R.

POSITIONES JURIDICÆ.
DE
LOCATO CONDUCTO.

THESES I.

E LOCATIONE CONDUCTIONE , contractu in hominum commercio frequentissimo, acturus, à definitio n initium faciam. Definiri autem potest; Contractus, solo consensu initus, de re aliquâ utendâ vel facienda, operâ præstandâ, certâ yicissim mercede pro ea confe stim constitutâ. *princ. Inst. de obl. quæ ex cons. princ. & tot. tit. Inst. de Locat. & Conduct. & plur. all. in th. seqq.*

I.

Ex hoc contractu alter contrahentium Locator dicitur, alter Con ductor. In his discernendis diversæ sunt Dd. opinione s; Et quidem cum de re aliquâ utendâ in Locatione agitur, Locator est, qui eam definitâ certâ mercede utendam alicui concedit: Conductor vero, qui mercedem præstat.

III.

In Locatione vero operarum, uterque, tam is qui mercedem sol vit, quam qui operas præstat, variè, modò Locator, modò Conductor appellatur. Ut plurimum tamen Locator dicitur, si se alteri offert, & initium facit contractus: Conductor vero qui oblatam conditionem suscipit, sive ipse mercedem solvat, sive ab altero accipiat. *quò fac. l. 11. §. pen. l. 13. §. 1. & seqq. l. 19. §. 7. l. 22. §. 1. l. 25. §. 7. l. 26. 36. 38. & pass. ff. Locat. vid. Cujac. lib. 2. observ. c. 28. & coll. Arg. lib. 19. tit. 2. th. 4.*

IV.

Hic contractus Locationis Conductionis est Jurisgentium §. 2. in fin. Inst. de I. N. G. & C. l. i. princ. ff. Locat. Locare autem potest im pri mis dominus rem suam, l. 13. §. 7. l. 14. & pass. ff. d. t. l. i. §. 1. ff de su perfic.

V.

Interdum etiam is, qui non est dominus rei, rem alienam locat l. 9. §. ult. l. 15. §. 8 ff. locat. veluti bona fidei possessor rem à se poss. sám. l. 9. princ. ff. d. t. Conductor rem conductam, l. 6. C eod. l. 7. §. 24. §. 1. ff.

d. t. Emphyteuta rem Emphyteuticariam: Usufructuarius rem ususfru.
etnariam §. 1. Inst. de usu & habitat. l. 9. §. 1. ff. loc. l. 29. ff. quib. mod. usufru.
amitt. Is qui habitationem ædium habet, §. pen. Inst. de usu & habit. l.
13. C. de usufr. vel usum tantum, dummodo hic simul inhabitet, l. 4.
princ. ff. de usu & habit. Creditor rem pignoratam extraneo, q. àum
ipsi domino l. 23. ff. de pignor. l. 35. §. 1. l. 37. ff. de pignor. actio. l. 37. ff. de
acquir. possess.

VI.

Quin & mala fidei possessor, velut fuit vel prædo, rem à se malâ si-
de possellam locare potest ad hoc, ut ei conductor ad mercedem solven-
dam obligetur, fac. l. 9. §. 1. l. 35. in fin. princ. ff. Locat. l. 22. Si. si prædo. ff.
de pignor. act. l. 31. §. 1. ff. depos. vid. Colleg. Arg. d. tit. 2. th. 5. n. 2:

VII.

De Vasallo hîc queritur, An istem Feudalem alii locare possit?
quod Affirm. per text. in c. 1. §. donare. qual. olim pot. feud. alien. 2. F. 9.
An autem hoc etiam in locatione ad longum tempus, id est ad decenniū,
vel ultra, locum habeat, controversum est? Neg. Dd. cōmuniter. Cum
ex eorum opinione, hac locatione ad longum tempus jus aliquod (sive
ut Dd. loquuntur, dominium utile,) conductori in re locatâ confi-
tuatur (quod tamen Juri civili non convenire videtur. inf. tb. 32.) quod
vasallo non est concessum.

VIII.

Operas quoque locare potest quilibet, qui eas præstiturus est, l. 22.
§. 1. & paſſ. ff. d. t. §. 1. 4. Inst. eod. & non tantum suas, sed etiam servi.
l. 60. §. 7. ff. d. t. non tantum proprii, sed etiam ejus in quo usumfru-
ctum habet, fac. l. 25. §. 2. l. 26. ff. usufru. Operas vero servi in quo u-
sum habet locare nequit l. 12. §. ult. l. 14. princ. ff. de usu & habit. Ipse
vero servus usurari operas suas locare, & per hoc obligationem no-
bis acquirere potest. fac. l. 13. ff. d. t. §. 2. Inst. per quas person. nob. oblig.
acquir.

IX.

Contra prohibentur locare, qui & contrahere prohibentur; qua-
les sunt, furiosus. l. 14. ff. loc. prodigus; pupillus sine tutoris autoritate;
(non etiam minor, sive habeat curatorem sive non habeat) de socio
dubitatur, an invito socio rem communem locare possit? Et posse eum
suam partem locare verius videtur, ita ut socius pro ista parte condu-
ctorem impedire non possit, fac. l. 2. 3. 4. C. de comm. rer. al. l. 1. C. comm.
divid. vid. Coll. Arg. d. tit. 2. th. 6.

Con-

X.

Conducere itidem possunt omnes, qui non prohibentur. Et quamquam regulatiter conductio reis non constat, l. 21. ff. de usurpat. l. 45. ff. de R. l. 20. Cod. de Locat. Dominus tamen nonnunquam rem propriam recte conductit. Sic enim debitor potest conducere pignus a creditore l. 31. § 1. ff. de pign. ad l. 37. ff. de acquir. p. ff. l. 33. § nlt. ff. de usurp. Sic proprietarius recte conductit fundum ususfructuarium l. 29. pr. ff. quib. mod. usus vel ususfr. amitt. Et multo magis emptor, quia ante rei traditionem dominus non est, §. 3. Inst. de Empt. vend. rem cpram à venditore conducere potest, exemplo l. 16. ff. de per. & comm. rei vend. l. 20. §. ult. 21. 22. pr. ff. Locati. l. 11. §. 12. v. ergo et si ff. quod vi aut clam. Venditor quoque rem venditan ab emptore recte conductit, & eo ipso possessionem ejus & dominium in emptorem transfert. l. 75. ff. de cont. empt. l. 21. §. 4. ff. de act. empt. exemplo l. 77. ff. de R. V.

X. I.

Prohibentur autem conducere, quicunque alias contrahere nequeunt. In specie verò tutores & curatores ante finitam tutelam & curam, rationesque redditas, à fisco conducere prohibentur. l. 49. prin. §. 1. Locati. Sicut nec milites l. 50. ff. d. t. l. 31. C eod. nec clerici alienas possessiones recte conductunt. N. l. 23. c. 6. in princ. & alii. vid. Coll. Arg. d. tit. 2. th. 7. 8.

XII.

Versatur autem Locatio Conductio circa res tam incorporales, quam corporales, mobiles & immobiles l. 48. pr. §. 1. & p. ff. locat. Nec interest, propria sit an aliena, l. 7. D. d. t. aut alias alienari, aut op. pignori prohibita. l. 38. §. 15. ff. leg. 2.

XIII.

Servitutes tamen reales sive prædiales per locationem constitui non possunt, l. 44. ff. Locati. videtur enim natura servitutis repugnare, ut ad tempus (præsertim exprensè) constituantur, l. 4. ff. de servit. Servitutes autem personales (excepto usu §. 1. Inst. de usu & hab.) veluti ususfructus, operæ servorum (quibus operas aliorum animalium comparantur) per l. 5. §. ult. ff. ususfr. quem. car. habitatio, locari possunt, per alleg. sup. in th. 5. & l. 2. ff. de usu & ususfr. legato.

XIV.

Neque verò res tantum locari possunt, sed etiam facta. Interest tamen inter facta, utrum locari solita sint, an non? Si enim factum tales sunt, quod locari non solet (veluti ut servus manumittatur l. 5. §. 2. ff. de præfir. verb. vel alia liberalia officia, pro quibus non merces, sed hono-

A 3 rarium.

3

192

7 - 29

trarium aut salarium datur l. i. ff. si mensur falsum mod. dix. Itemque quæ vel propter gravitatem & dignitatem suam, sicut opere Doctorum, Advocatorum, Medicorum l. i. § 2.5. ff. de extraord. cognit. vel quia nullum commodum inde ad conductorem reddit, non locati solent) non locatio conductio, sed alius quoddam negotium contrahitur ex quo vel actio praescriptis verbis aut condicione (ut l. 5. princ. ff. de cond. caus. dat.) datut, vel extraordinaria cognitione parti laesse subvenit. dd. II.

X V.

Locatio Conductio contracta intelligitur simulatque de rei aliquius usu, vel facto aliquo praestando, certa vicissim mercede constituta convenit. princ. Inst. de Locat. cond. l. 2. ff. Locati. Est enim eorum contractuum numero, qui solo consensu perficiuntur. in fin. tit. Inst. de Oblig. que consens. contrah. unde nec traditio rei, nec verba (ut in stipulatione) nec scriptura ad ejus perfectionem necessaria est, fac. l. 1. ff. d. t. nisi forte aliud inter contrahentes pacto convenient. exempl. princ. Inst. de Empt. vend. l. 17. C. de fid. instr.

X VI.

Merces vero ita necessaria est, ut sine ea nulla esse possit Locatio l. 46. ff. Locati. l. i. § 9. ff. depositi.

X VII.

Mercedem autem certam esse oportet ab initio contractus, §. i. Inst. Loc. de cond. l. 5. 2. ff. de don. int. vir. & uxor. non secus ac in empt. venditione pretium certum requiritur. §. i. Inst. de Empt. & vend. Consistit enim locatio iisdem juris regulis, quibus emptio, princ. §. i. & seqq. Inst. de Loc. cond. l. 2. prin. §. i. ff. cod.

X VIII.

Certam vero esse sufficit, in rei veritate, licet a contrahentibus ejus quantitas ignoretur. fac. l. 7. §. 1. ff. de contrah. empt. §. 6. Inst. de Verb. Obl. l. 37. 38. ff. de Reb. cred.

X IX.

Hinc dubium est, an contrafacta videatur Locatio Conductio, si convenierit inter contrahentes, ut res justa mercede conducta esse debet? Quod Negandum arbitror: si tamen traditio rei accessit ad istam conventionem, actionem praescriptis verbis locum habere puto. fac. §. i. Inst. de Locat. & cond.

X X.

Quid vero si alieno arbitrio definitio mercedis sit commissa? Distinguendum est, utrum generaliter incerta personæ, vel viri boni, an nomi-

nominatim certæ personæ arbitrium sit electum. Illo casu contractus nullus est, l. 25. princ. Locati. Hoc casu Locatio conductio sub condicione videtur contrahi; Ita ut tum demum Locatio subsistat, si is qui nominatus est, mercedem definierit; Si autem noluerit, vel non potuerit pretium definire, contractus pro nihilo est. d.l. 25. princ. l. ult. C. de contr. empt. §. 1. Inst. de loc. & cond. §. 1. Inst. de Empt. & vend. l. 75. ff. pro facio. arbitrium enim electum hoc casu non egreditur personam electam. dd. II. exemplo stipulationum l. 43. 44. D. de V. O.

198.

XXI.
Quod si arbitrii manifesta appareat iniquitas, tunc actione locati ad arbitrium boni viri redigi potest fac. l. 24. princ. D. Locat. l. 76. 79. ff. pro facio. l. 3. C. commun. utriusq. jud. l. 22. de R. I. Reductioni autem ad arbitrium boni viri ob iniquitatem, tum demum locus esse videtur, cum laesio duplum justa mercedis excedit. fac. l. 22. §. ult. ff. Locat. cum l. 2. 8. C. de rescind. vend. Donell. ad d.l. 43. ff. de V. O. n. 19.

XXII.
Tum, ad exemplum emptionis, merces etiam in pecuniâ numerata consistere debet: hanc enim sententiam ut receptiorem, ita & iuris nostro convenientiore puto. per l. 1. §. 9. ff. depos. l. 5. §. 2. ff. de prescript. verb. l. 25. §. 6. ff. loc. cond. cum l. 26. §. 1. ff. de furt. & alius alleg. in Coll. Iur. Arg. d. lib. 19. tit. 2. th. 25.

XXIII.

Quod siigitur loco mercedis, vel de certâ aliqua specie, vel alia re fungibili reddenda convenit, Locatio non contrahitur, sed res incidit in causam contractus innominati. dd. II. l. 1. §. 2. ff. de prescr. verb. §. 2. Inst. Locati. (non tantum si de opere aliquo faciendo, sed etiam de re aliqua utenda vel fruenda actum sit. l. 19. §. 3. l. 25. §. 6. l. 51. ff. locati. l. 14. ff. de statulib.) qui non ex solo consensu, ut locatio, sed re vel facto interveniente nascitur. d.l. 5. & paß. tit. ff. de prescript. verb. l. 7. §. 2. ff. de pastu. & actionem prescriptis verbis parit. dd. II. l. 23. in fin. ff. comm. divid.

XXIV.

In re tamen fructus ferente, veluti fundo, alterata quodammodo locationis naturâ, certam fructuum quantitatem loco mercedis non nunquam dari solitus fuisset, ex l. 21. C. de loc. cond. probabile est; quod & hodiè vulgo receptum esse videmus.

XXV.

Sufficit autem ab initio mercedem in pecuniâ numerata constituta



tui: cuius solutio ex pacto in fructibus vel alia re fieri potest. l. 19. § 3.
l. 35. §. ult. ff. Locati. l. 18. C. de loca. & cond. exemplo Emptionis l. 24.
princ. ff. de pignorat. aet. l. 79. ff. de contrah. empt. l. 6. §. 2. ff. de Aktione
Empt. l. 6. C. de pact. int. empt. l. 17. C. de solut.

XX VI.

Uno numero locatio non magis, quam emptio venditio re de-
contrahitur. l. 46 ff. loc. l. 10. §. ult. ff. de acquir. posse. quia tum magis
donandi quam locandi animo fieri videtur. d. l. 46. fac. d. l. 38. ff. de
cont. empt. l. 3. §. 8. 9. C. eod.

XX VII.

An autem donatio ita sub specie locationis facta valida sit, dubi-
tari possit? quod Affirm. siquidem inter contrahentes donatio non est
prohibita. fac. l. 3. §. 9. C. de contrah. empt.

XX VIII.

Contrahitur locatio non tantum expressè, sed etiam tacitè; quod
tamen unico ferè casu accedit, cum scilicet tempore, de quo initio con-
tractus convenit finito, conductor in Locatione permanfit; tum enim
Locatio tacitè renovata videtur, iisdem pensionibus & pignoribus
l. 13. §. ult. & l. seq. ff. Loc. l. 16. C. eod.

XX IX.

Fidejussores verò & pignora, à tertio, nomine conductoris, obli-
gata, ex hac tacitè reconductione non tenentur. d. l. 13. §. ult. fac. l. 7. C.
eod. l. 3. §. 6. ff. de jur. fisci.

XX X.

Tempus etiam conductiōnē priori adjectū non videtur tacitè re-
petitum. Si enim conductiō in quinqueñium vel decennium con-
tracta fuerit, fundus quidem in annum; domus verò, quoad habitave-
rit conductor, tacitè reconducta videtur. d. l. 13. §. ult. ff. Loc. Conduct.

XX XI.

Huc etiam pertinet, quod Locatio, prefertim rerum immobi-
lium, plerumque ad certum tempus contrahatur; veluti in annum, l. 1.
§. 4. ff. de migr. vel lustrum l. 13. §. ult. ff. Locat. sive quinqueñium l. 9.
§. 1. ff. d. t.

XX XII.

Hinc queritur, an Locatio ad longum tempus (sive ad decennium
aut ultra) conductorius in re (sive ut Doctores loquuntur, Utile do-
minium

minium) tribuat, ex quo, exemplo emphyteutæ & superficiatii, actione in rem adversus quemvis rei possessorum experiri possit? Affirm. communiter Dd. Ab iis discedunt W^esenbec. par. D. tit. loc. n. 8. & alii, quorum opinio mihi etiam Juri Justinianeo magis congrua videtur.

XXXII.

Effectus Locationis Conductionis est, Obligatio, quæ ultro circuque inter contrahentes oritur: quæ Conductor obligatur, ut secundum legem conductionis re conducta utatur, & vicissim mercedem debito tempore pro usu ejus solvat: Locator vero, ut Conductor re locata liberè & sine impedimento uti possit. Quod si contra fecerint, Locatori adversus Conductorem actio Locati: Huic contra Locatorem actio Condusti datur. *In fin. princ. Inst. de loc. & cond. pass. ff. & C. cod.*

XXXIV.

Actione Locati præcipue locator persequitur (1) mercedem, l. 7. §. 9. ff. depos. & usuras à tempore moræ l. 17. C. de Loc.

XXXV.

Moram autem committit conductor, si merces non fuerit soluta debito tempore, quod vel ex conventione partium aestimatur, vel ex more regionis, l. 19. C. de Loc. ut scilicet si in plures annos res utenda locata fuerit, quolibet anno exacto; alias finito locationis tempore, merces exigi possit. *W^esenbec. par. D. loc. n. 14.*

XXXVI.

Quod si Conductor per biennium mercedem non solverit, licet in plures annos locatio contracta sit, impunè à Locatore expelli potest. *l. 54. §. 1. l. 56. ff. Locati. l. 3. Cod. cod.*

XXXVII.

(2) Rem locatam usu finito l. 34. C. de loc. quod si Conductor eam usque ad sententiam definitivam sine justa causa restituere recusat, præter rem locatam, estimationem ejus Locatori solvere tenetur. *l. 34. C. de loc. l. 10. C. unde vi.*

XXXVIII.

Oportet autem rem restituere eo statu, quo Conductor à Locatore tradita fuit. Si enim dolo vel culpâ Conductoris corrupta est, vel perire, ejus estimationem, & id quod interest, Locator hac actione persequitur. *l. 11. §. 2. l. 25. §. 3. l. 29. ff. loc. l. 23. ff. de R. I. l. 5. §. 2. vers. sed ubi utriusque. ff. Commod.*

XXXIX.

Hic queritur? An Conductor teneatur, si quid culpa ejus levissima

B

199

9 - 23

simā, damni in re locatā contigerit? Neg. puto fac. dd. II. l. 3. §. 1. Naut.
caup. stab & plura alleg. in Col. Arg. d. t. 2. th. 21. in fine.

X L.

Actione Conducti agit Conductor, ut rei Conductæ usus à locatore sibi liber præstetur; aut si non possit, solvatur id quod interest, l. 8. 15. §. 1. & paſſ. locat. si modò dolo aut culpa(levi) locatoris id fiat. dd. II.

X L I.

Quod si sine dolo aut culpā locatoris Conductor re conductā uti non possit, locator ex locato tenetur, non ad id quod interest, sed ut ei pensionem vel mercedem, pro parte, vel in solidum remittat, aut quod accepit eo nomine, restituat. l. 9. princ. d. l. 15. §. 2. 7. ff. locat.

X L I I.

Veluti si ob magnam sterilitatem nullos aut exiguoſ fructus ex fundo percipiat. dd. II. l. 8. 18. C. de loc. (nisi ex ubertate præcedentium vel sequentium annorum illa sterilitas compensari possit) vel domus locata incendio consumpta sit, sine culpa Conductoris. l. 19. §. 6. l. 11. §. 1. ff. d. t. aut ex justo timore periculi, veluti belli, pestis, inquilinus è domo emigraverit. l. 13. §. 7. l. 27. §. 1. ff. d. t.

X L I I I.

Damnum quoque, quod Conductor ex re locatā dolo vel culpā locatoris passus est, l. 19. §. 1. ff. d. t. l. 61. §. 6. ff. defurt. & quod in rem conductam necessariò, vel utiliter impendit, in hanc actionem venit. l. 19. §. 4. l. 55. §. 1. l. 61. princ. ff. locat. & alia, de quibus vid. Coll. Arg. d. t. 2. theſ. 33.

X L I V.

Ad effectus locationis Conductionis referri potest, quod per eam nec dominium transferatur, l. 39. ff. d. t. (quoniam id aliquando ex pacto fieri possit, exemplo l. 31. pr. ff. d. t. quo casu res notissimos locationis terminos egreditur, exemplo l. 24. ff. depoſ.) nec possesso. l. 60. §. 1. ff. loc. l. 6. §. 2. ff. de prec. §. 5. Inst. de Interd. Unde etiam interdicta possessionis tuenda colono denegantur; veluti interdictum Utī possidetis. Unde vi. l. 1. §. 10. 22. l. ult. ff. de vi & vi arm.

X L V.

In locatione prædiorum urbanorum hoc quoque singulare est, quod res in ea inducuntur, investi & illatae, (eo animo, ut ibi perpetuò effent, non temporis causā. l. 22. ff. de pign. l. 7. §. 1. ff. in quib. caus. pign. tac.) locatori pro mercede & deteri oratione rei, jure tacita hypothecae obligata sint. l. 4. princ. ff. de patti. l. 2. 3. 4. princ. l. 6. ff. in quib. caus. pign. tac. l. 5. l. ult. C. eod.

Illata

XLVI.

Illata verò in rusticum predium pignori non sunt, nisi expressè ita inter dominium & colonum convenerit. d.l.32 ff. de pign. d. l.4. pr. in quib. cauf. pign. tac. l.11. §.2. ff. qui pot. in pig. l.5. C. de loca. Sed fructus tantum taciti pignoris iure tenentur. l.24. §.1. l.53. in fin. ff. loc. l.7. prin. D. in quib. cauf. pign. tac. contrah. Fructuum verò dominium colonus adquirit, tum demum, cum ipse eos percepit; fac. l.60. §.5. ff. loc. l.52. §.3. l.61. §.8. ff. de furt. §.36. in fin. Inft. de rer. divisi.

XLVII.

Huc pertinet, quod heredes locatoris & Conductoris teneantur stare Locationi à defunctis cōtractis; §. ult. Inft. de loc & cond. l.19. §. pen. l.60. §.1. ff. eod. l.10. C. eod. Quod secus est in successore singulari, velut emptore, donatario, legatario, l.3. ubi Goth. in not. C. de locato. l.32. ff. eod. l.59. §.1. ff. de usufr. l.120. §. ult. ff. leg. l. (nisi ea lege rem locatam acceperint. A. l.3.) quo casu tamen, si singularis successoribz, Conduētorem expulerit, locator ei, ad id quod interest, actione Conduēti tenetur. dd. ll.

XLVIII.

Hic Q. An & tum singularis successor locationi stare teneatur, si dominus conducta Conductor pro observatione contractus fuit pignori obligata? Quod Neg. puto, arg. ll. in th. p. r. a. d. alleg.

XLIX.

Contraria Locationi sunt, dolus, vis, metus, error, & alia, quæ honestas fidei contractuum naturæ repugnant, & faciunt, quo minus iure subsistant. In specie verò ad ea quæ Locationi repugnant, referri possunt causæ, ob quas Conductor è re conductâ impunè à Locatore expelli potest. Cujusmodi sunt: Mora Conductoris in solvendâ pensione per biennium, supr. th. 36. Aut si Conductor in re locatâ perpetram sit versatus, l.3. C. de loc. l.54. §.1. ff. eod. vel domus necessariâ refectio opus habeat. d. l.3. l.3. §.3. ff. uti posid.

L.

Item si locator ipse, velejus heredes, ad proprios usus rem locatam (sive aedes locatas; in his enim tantum hoc obtinere putant Dd.) sibi necessariâ esse probaverint d. l.3. C. de loc. dummodo causa necessitatis tempore contractus nondum fuerit, vel culpa locatoris postea non supervenierit. fac. l.3. §. ultim. l.4. ff. ut in pos. leg. l. 11. §. 8. D. de Interrog. ait. vel inter locatorem & Conduētorem convenerit de non expellendo Conduētore, in specie ob hanc causam: Generalis enim conventio

B. 2. de non

de non expellendo id non videtur operari. *fac. l. 54. §. 1. ff. loc. cum l. 56.*
princ. ff. Mand.

L I.

Quod sitamen locator domum locatam alii vendidetit, veldonaverit, emptor aut donatarius (cum ex pacto locationi stare tenentur
sup. th. 47.) Conductorem expellere non possunt, eo praetextu, quod
eā ad proprios usus indigeant. *fac. d. l. 3. C. de locato.*

L II.

Immodica denique lesio (quæ dimidium justi pretii excedit)
locationi contraria est, ut scilicet beneficio *L. 2. C. de rescind. vend. cam*
lob causam rescindi possit. fac. d. l. 2. junct. l. 22. §. 3. ff. loc.

Hæc pro præsenti disputatione
sufficient.



RASSBURG, Diss., 1627-28

ULB Halle
004 527 275

3



SB

b7

Farbkarte #13

